



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab anno Christi 1479. usque ad annum 1494

Fleury, Claude

August. Vind. [u.a.], 1768

VD18 90118340

§. 81. Alphonsus novus Neapolis Rex investituram a Papa petit.

[urn:nbn:de:hbz:466:1-66444](https://nbn-resolving.org/urn:nbn:de:hbz:466:1-66444)

§. LXXXI.

Sæcul. XV.

A.C. 1494.

Alphonsus novus Neapolis Rex investituram a Papa petit.

Cum Neapolitani ante Gallici exercitus adventum in publicam seditionem erumpere, inconsultum judicassent, haud quaquam Alphonso, ne Patris sui regnum possideret, oblectati sunt. Porro Alphonsus conscenso folio Pontificis gratiam aucupaturus, pollicebatur, se Joanni, & Godefrido Borgiæ, ambo-
bus ejusdem filiis nothis daturum duo præcipua Regni Neapolitani beneficiaria prædia, duasque militum centurias regiis sumptibus alendas, unacum triginta aureorum millium pensione, simulque Cæsari jam tum Cardinali pinquia spon-
dit Sacerdotia. Papa promissione accepta Joanni Borgiæ Cardinali S. Susannæ, ut Alphonsum Neapolis Regem coronaret, negotium dedit, & desuper die decima octava Aprilis anno Domini millesimo quadringentesimo nonagesimo quarto diploma edidit (*). Hac in re sum-

(*) Hoc diploma Pontificium Commi-
næus Tom. V. integrum recitat.

Sæcul. XV. A.C. 1494. summus Pontifex flocci pendebat fervidas Caroli VIII. preces, quibus hujus Regis inaugurationem differri, nilque contra jus, quod in hoc regnum Rex Christianissimus haberet, attentari rogabat, donec ipse litem armis diremisset. Id tamen in hoc negotio adhuc magis admiratu dignum est, quod summus Pontifex eodem temporis momento, quo Joannem Borgiam Nepotem suum ad Alphonsi coronationem Neapolim destinaverat, junctis cum Ludovico consiliis ac sumptibus recentem militiam, ut eidem Neapolitano Regi bellum inferret, conduxerit, suisque copiis præfecerit Prosperum Columnam, Carolo VIII. additum. Nec minus eodem tempore datis ad Brissonnetum literis eidem purpuram pollicitus est.

§. LXXXII.

Novi Senatorum conatus ad impediendum Regis iter.

Interea Caroli Regis Consilarii Neapolitanam expeditionem iterato conatu eidem dissuadere tentabant, occasione capta ex Pontificis inconstantia, & Petri Medicæi defectione, qui Ludovicum conspirationis adversus se in itæ insimulans, præ indignatione cum Neapolis Rege foedus restaurabat. Consiliariis favebant